



## **TOSHKENT DAVLAT YURIDIK UNIVERSITETI REKTORINING B U Y R U G‘ I**

2021-yil 23-noyabr

08-315-son

### **O‘zbekiston Respublikasi oliy va o‘rta maxsus ta’lim vazirining 2021-yil 9-noyabrdagi 468-son buyrug‘i ijrosini ta’minlash to‘g‘risida**

O‘zbekiston Respublikasi oliy ta’lim tizimini 2030-yilgacha rivojlantirish konsepsiyasi va Ilm-fanni 2030-yilgacha rivojlantirish konsepsiyasida belgilangan strategik maqsadlarga erishishda hamda respublikadagi oliy ta’lim muassasalarini xalqaro e’tirof etilgan tashkilotlar (Quacquarelli Symonds World University Rankings, Times Higher Education yoki Academic Ranking of World Universities) reytingining birinchi 1000 ta o‘rindagi oliy ta’lim muassasalari ro‘yxatiga kiritishda oliy ta’lim muassasalari rahbar kadrlarining shaxsiy mas’uliyati va javobgarligini oshirish, shuningdek, maqsadli vazifalarga erishilishining asosiy mezonlari orqali tajriba-sinov tariqasida ilmiy ishlar va innovatsiyalar hamda xalqaro hamkorlikka mas’ul tegishli prorektorlar faoliyatini baholashning yangi tizimini joriy etish bo‘yicha O‘zbekiston Respublikasi oliy va o‘rta maxsus ta’lim vazirining 2021-yil 9-noyabrdagi “Oliy ta’lim muassasalari rahbar kadrlarining faoliyat samaradorligini baholashning asosiy mezonlarini tasdiqlash to‘g‘risida”gi 468-son buyrug‘i ijrosini ta’minlash maqsadida,

### **B U Y U R A M A N:**

1. O‘zbekiston Respublikasi oliy va o‘rta maxsus ta’lim vazirining 2021-yil 9-noyabrdagi “Oliy ta’lim muassasalari rahbar kadrlarining faoliyat samaradorligini baholashning asosiy mezonlarini tasdiqlash to‘g‘risida”gi 468-son buyrug‘i (keyingi o‘rinda – buyruq) rahbarlik va ijro uchun qabul qilinsin.

2. Buyruq bilan quyidagilar:

Oliy ta’lim muassasalari rahbar kadrlari faoliyati samaradorligi ko‘rsatkichlarini ishlab chiqish, monitoring qilish va samaradorligini baholashning tashkiliy sxemasi 1-ilovaga muvofiq tasdiqlanganligi;

Oliy ta'lim muassasalari rahbar kadrlari faoliyati samaradorligini hamda maqsadli vazifalarga erishishini baholashning asosiy mezonlari hamda har bir oliy ta'lim muassasasining 2021-yilning IV chorak yakuniga qadar erishishi lozim bo'lgan maqsadli ko'rsatkichlar 2-ilovaga muvofiq tasdiqlanganligi;

idoraviy bo'ysunuvidan qat'iy nazar, respublikadagi barcha davlat oliy ta'lim muassasalari rahbar kadrlariga nisbatan tatbiq etilishi (oliy xarbiy ta'lim muassasalari bundan mustasno) belgilanganligi;

oliy ta'lim muassasasi rektori (filial direktori) natijadorligi ilmiy ishlar va innovatsiyalar hamda xalqaro hamkorlikka mas'ul tegishli prorektorlar (filial direktori o'rinbosarlari) tomonidan erishilgan umumiy samaradorlik ko'rsatkichlarning o'rtacha arifmetik ko'rsatkichi orqali aniqlanishi belgilanganligi inobatga olinsin.

3. "Elektron universitet" markazi (A.Karimov) tomonidan ko'rsatkichlarning haqqoniy natijalari maxsus elektron platformaga o'z vaqtida kiritilib borilishi ta'minlansin.

4. Devonxona (X.Abdullaev) tomonidan mazkur buyruqni universitetning barcha tarkibiy bo'linmalari e'tiboriga etkazilishi ta'minlansin.

5. Mazkur buyruqning bajarilishini nazorat qilishni o'z zimmamda qoldiraman.

**Rektor v.v.b.**



**I.Rustambekov**

**Loyixa kiritdi:**

Kadrlar bo'limi boshlig'i

Sh.Xamraqulov

**Kelishildi:**

Monitoring va tashkiliy-nazorat  
boshqarmasi boshlig'i

D.Mahkamov

“Elektron universitet” markazi direktori

A.Karimov

Yuridik byuro yuriskonsulti

D.Aliboyev